

F E G L D ' I N F U R M A Z I U N

per la calculaziun dal salari

Partiziun „finanzas“, schaner 2024

Chaussas fundamentalas

Las disposiziuns davart las personas d'instrucziun valan conform al senn er per lur substituziuns sco er per las personas d'instrucziun e per las personas specialisadas en il sector da las mesiras da la pedagogia speziala.

Calculaziun dal salari per substituziuns

- La basa per fixar il salari annual è la tabella da salarisaziun per las personas d'instrucziun da la scola populara e da la scolina.
https://www.gr.ch/DE/institutionen/verwaltung/ekud/avs/Volksschule/LP_Gehaltstabelle_rm.pdf
- Personas d'instrucziun che surpiglian ina substituziun han il dretg da survegnir in 13avel salari mensil a partir da l'emprim di da lur engaschament (art. 56 al. 1).
<http://www.gr-lex.gr.ch/data/421.000/rm>
- Il pensum cumplain d'ina persona d'instrucziun importa 1'131 lecziuns per onn (29 lecziuns x 39 emnas da scola). Il pensum cumplain d'ina persona d'instrucziun da scolina importa 936 uras (24 uras x 39 emnas da scola).
- Il pensum d'ina persona d'instrucziun da classa dal stgalim primar e dal stgalim secundar vegn reduci – tenor l'art. 62 al. 2 da la lescha da scola – per 1 lecziun per emna da scola.
- Pervia da divers firads legals u locals na vegnan betg dadas 1'131 lecziuns / 936 uras per onn durant mintga onn da scola. En las 1'131 lecziuns / 936 uras per onn èn cumpigliadas er quellas lecziuns / uras che crodan sin in firà. Durant ina substituziun ston uschia medemamain vegnir resguardadas per calcular il salari resp. medemamain vegnir pajadas quellas lecziuns / uras che crodan sin in firà, perquai ch'i sa tracta da firads pajads.

Recumandaziun calculaziun dal salari:

Persuna d'instrucziun da scolina:

Salari annual : $936 \times$ (uras instruidas effectivamain + uras, che crodan sin in firà)

Persuna d'instrucziun:

Salari annual : $1'131 \times$ (lecziuns instruidas effectivamain + lecziuns, che crodan sin in firà)

Persuna d'instrucziun da classa:

Salari annual : $1'131 \times$ (lecziuns instruidas effectivamain + lecziuns, che crodan sin in firà + 1 lecziun da distgargia per emna da scola instruida)

Exempel:

Ina persuna d'instrucziun da classa primara instruescha 10 lecziuns per emna (mintga di 2 lecziuns) per ina durada da 12 emnas da scola. Sche p.ex. il Venderdi sontg u il glindesdi da Pasca croda en quest temp, ston er mintgamai quell'as 2 lecziuns vegnir indemnisadas, perquai ch'i sa tracta da firads pajads.

Calculaziun:

Salari annual : $1'131 \times 132$ (116 lecziuns instruidas efectivamain + 4 lecziuns (per 2 firads pajads) + 12 lecziuns (1 lecziun da distgargia per emna da scola instruida))

Calculaziun dal salari en cas da congedi da maternitad

Il 31 d'avust 2016 ha il cussegl grond concludì ina revisiun parziala da la lescha davart la relaziun da lavur da las collavuraturas e dals collavuratur da chantun Grischun (lescha dal personal, LP; DG 170.400). La lescha dal personal è vegnida midada materialmain tranter auter en ils suandants secturs:

- Prolungaziun dal congedi da maternitad e francaziun dal congedi da paternitad e d'adopziun en la lescha (art. 43° LP);
- Aboliziun dal congedi da gravidanza, persunter extensiun da la protecziun da la sana dad en cas da gravidanza e da maternitad (art. 38 e 46a LP).

Infurmaziuns detagliadas chattais Vus sin il feagl d'infurmaziun dal servetsch giuridic dal DECA:

https://www.gr.ch/DE/institutionen/verwaltung/ekud/avs/Volksschule/LP_Lohnzahlung_Mutterschaft_Merkblatt_2018_rm.pdf

Calculaziun dal salari en cas d'in congedi betg pajà

L'uffizi per la scola populara ed il sport recumonda da calcular il salari analogamain a l'art. 14 da l'urden da basa per la relaziun da lavur da las personas d'instrucziun da la scola chantunala grischuna.

Perquai ch'il dretg da vacanzas da las personas d'instrucziun è cuntegnì en il temp senza instrucziun e perquai che quest temp na po betg vegnir sminuì realmain pervia da las datas prescrittas da l'onn da scola, sto il temp senza instrucziun vegnir resguardà proporziunalmain en la sistida dal salari. Quai vegn fatg cun converter emnas d'instrucziun en dis salarisads.

Uschia sto la dimensiun da la sistida dal salari vegnir calculada sco suonda:

252 dis: 39 emnas d'instrucziun	=	6,5 dis da sistida dal salari per in'emna congedi betg pajà, che cumpiglian in'emna d'instrucziun (arrundà).
(365 dis minus 113 sondas, dumengias e firads)		
Tariffa per di salarisà:		1/21 dal salari mensil tenor l'art. 11 al. 4 lit. a OP

Ad ina persuna d'instrucziun vegnan permessas 8 emnas congedi betg pajà. 2 da quell'as emnas crodan en l'uschenumnà temp senza instrucziun (vacanzas da scola).

Calculaziun:

$(8-2) \times 6,5 \times (1/21 \text{ dal salari mensil}) = \text{dimensiun da la sistida dal salari}$

Sche Vus avais dumondas, As drizzai per plaschair al uffizi per la scola populara ed il sport, partiziun „finanzas“ (081 257 27 27, finanzen@avs.gr.ch).